



ՀԱՅՐ ՄԻՇԵԼ ՔԵՆԵԼ

(Աստվածաբանության դասախոս)

ԻՆՉՊԵՍ ԿԱՐԴԱԼ ԱՎԵՏԱՐԱՆԸ*

ՍՈՒՐԲ ՄԱՐԿՈՍ

61. ՉԱՆՈՐՎԱԾ ԿՈՉՈՒՄ (Մարկ. Ժ
17—22)

- Ժ 17 երբ նա այնտեղից ճանապարհի ընկավ, ահա մեծահարուստ մեկը վազելով ծնկի իջավ, հարցրեց նրան ու ասաց. «Բարի՛ Վարդապետ, ի՞նչ պետք է անեմ, որ հավիտենական կյանքը ժառանգեմ»:
- 18 Եվ Հիսուս նրան ասաց. «Ինչո՞ւ ինձ բարի ես կոչում. բարի չէ ոչ ոք, այլ միայն՝ Աստված»:
- 19 Պատվիրանները գիտես. մի՛ շնանար, մի՛ սպանիր, մի՛ գողանար, սուտ մի՛ վկայիր, մի՛ վրկիր, պատվի՛ր քո հորը և մորը»:
- 20 Նա պատասխանեց նրան և ասաց. «Վարդապետ, այդ բոլորը իմ մանկությունից ի վեր պրե՛լ եմ. արդ, ի՞նչ եմ պակաս թողել»:
- 21 Եվ Հիսուս նրան նայելով՝ սիրեց նրան և ասաց. «Քեզ մե՛կ բան է պակասում. եթե կամենում ես կառաքյալ լինել, գնա-վաճառի՛ր ինչ որ ունես ու աղքատներին տուր և երկնքում գանձեր կունենաս. և վերցրո՛ւ խաչը ու արի՛ իմ ետևից»:
- 22 Եվ մարդը այդ խոսքի վրա խոժոռված՝ գնաց տրտում, որովհետև շատ զունեցվածք ուներ:

Մինչ Մարկոսի պատմությունը ավելի ու ավելի է մոտենում Քրիստոսի մահվան եղելության, ավետարանիչը բերում է ձախողված կոչումի մասին մի տխուր վկայություն: Մեծահարուստը, որը եկել էր հանդիպելու Հիսուսին, չկարողացավ պահանջված չափով մասնակից դառնալ չարչարանքի ավետարանին: Նրա համար դա նշանակում էր «վրկանք»:

Առավել ցավալի էր այն, որ մարդը շատ լավ էր ըմբռնել իրեն ուղղված հրավերի տարողությունը: Հրավերը գալիս էր հենց Աստծուց: Մոտենալով Հիսուսին՝ նա ծնկի է գալիս: Դա գրեթե ծիսական մի շարժում էր: Իսկ երբ դիմում է Տիրոջը, նրան «բարի» է որակում: Հիսուս նրան հասկացնում է նրա այդ վերաբերմունքի լրջությունը. «Ինձ այդպես անվանելով՝ դու ապացուցում ես, որ քեզ ուղղելիք իմ խոսքերը համարում ես որպես Աստծուց եկող խոսքեր. եթե դու դրանք մերժես, մերժած կլինես շատ բան»:

Ինչ որ Հիսուս նախ պահանջում է իր խոսակցից, ավելի մի բան չէ, քան այն, ինչ հարկավոր է անել լավ հրեա լինելու համար: Նա նրան հիշեցնում է որոշ պատվիրաններ, որոնք Մովսեսի միջոցով Իսրայելի ժողովրդին տրված Օրենքի հիմնական մասն են կազմում.

Պատվի՛ր քո հորն ու մորը, որպեսզի երկարակյաց լինես
Երկրի վրա, որ Տեր Աստված տալու է քեզ:
Մի՛ սպանիր:
Մի՛ շնանար:

* Հարուստված «Էջմիածին» ամսագրի 1986 թվականի № 6—Ժ-ից:

Մի՛ գողանար:

Սուտ վկայություն մի՛ տուր քո ընկերոջ

մասին:
(Ելից Ի 12—16)

Հիտուս ավելացնում է մի պարզ նախադասություն, որ չկա Տասնաբանյա պատվիրանում. «Մի՛ գրկիր»: Դա կարելի է և այսպես հասկանալ. «Անիրավություն մի՛ արա»: Այս նախադասությունը անփոփոխ է Հին Կտակարանի բոլոր պատվիրանները, որոնք չափազանց ջատ են այդպիսի մի կարճ խոսակցության ընթացքում թվարկվելու համար:

Մի մարդու, որին չի ճանաչում, Հիտուս մատնանշում է հրեական Օրենքը որպես կյանքի կանոն, որն առաջնորդում է Աստուծո Թագավորությանը:

Հիտուսի դիմաց կանգնած այդ մարդու դրաման այն է, որ նա լավ հրեա է, բայց պատրաստ չէ դրանից ավելին լինելու: Պահանջելով, որ նա դառնա աղքատ և հետևի իրեն, Հիտուս վեր է հանում ավետարանական բարոյականի ինքնատիպությունը: Այդ բարոյականը չի վերածվում ինչ-որ պատվիրանների, որոնք պետք է պահել, և ոչ էլ թուլատրելիի և արգելվածի օրինագրման: Յուրաքանչյուր մարդու համար այդ բարոյականն այնտեղ է, որտեղ նա գտնվում է: Դա մի քայլ ավելին անելու պահանջն է: Իր մարմինը վաճառող պոռնիկի համար այդ քայլը կարող է կայանալ իր վաստակած փողը բարի մի նպատակի համար գործածելու մեջ: Այդ մեծահարուստի նման արդեն իսկ արդար և բարեպաշտ մի մարդու համար, որն ուզում է տիրանալ հավիտենական կյանքին, հնարավոր միակ առաջխաղացումը իր ունեցվածքից կրկնելն է՝ Հիտուսի հետ միասին նետվելու համար նրա աշակերտների արկածալից կյանքի մեջ: Պետք է, որ նա հրաժարվի իր նյութական հարստություններից՝ անտեսանելի մի գանձի տիրանալու համար:

Ավետարանով ապրել՝ նշանակում է անհրաժեշտորեն անցնել որոշ ձևի մաքման բովից: Այն մաքը, որ Հիտուս պահանջում է իր խոսակցից, նախատակությունը չէ: Տերը ջատ լավ գիտի, ինչպես արդեն ասել է, որ ունանք «մաքի չպիտի ճաշակեն, մինչև որ տեսնեն Աստուծո Թագավորությունը՝ պոռությամբ եկած» (Մարկ. Թ 1): Այն ժամանակ է, որ, իր ունեցվածքի մահով, մեծահարուստը պիտի գտնի Աստուծո Թագավորության ճանապարհը:

Մարկոսի համար քրիստոնեական ամեն կյանք մի Չատիկ է: Յուրաքանչյուր ոք կարող է մասնակցել դրան իր չափով, որով-

հետև սիրված է Աստուծոց: Գորովալից հալացքը, որ Հիտուս ուղղում է նրան, ում կանչում է, այդ առաջարկը դնում է Քրիստոսի հետ սիրո երկխոսության շրջանակի մեջ (համար 21):

Հասկանալ այդ և հրաժարվել՝ նշանակում է ինքն իրեն դատապարտել տխրության (համար 22):

62. ԱՍՏՈՒԾՈՆ ՏԿԱԾ

<ԱՐՍՏՈՒԹՅՈՒՆՆԵՐԸ (Մարկ. Ժ 23—31)

Ժ 23 Եվ Հիտուս այս կողմ, այն կողմ նայելով, ասաց իր աշակերտներին. «Ինչքան դժվարին է Աստուծո արքայությունը մտնել նրանց համար, որ հարըստություն ունեն»:

24 Աշակերտները վարմացած էին նրա այս խոսքերի վրա. իսկ Հիտուս դարձյալ պատասխանեց նրանց և ասաց. «Չավակներս, ինչքան դժվար է Աստուծո արքայությունը մտնել նրանց համար, որ իրենց հոյսը դրել են հարստության վրա:

25 Ավելի հեշտ է, որ ուղտը ասեղի ծակից անցնի, քան թե մի մեծահարուստ Աստուծո արքայությունը մտնի»:

26 Եվ աշակերտները առավել ևս էին վարմանում ու միմյանց ասում. «Ապա ուրեմն ո՞վ կարող է փրկվել»:

27 Նայելով նրանց՝ Հիտուս ասաց. «Մարդկանց կողմից այդ անհնար է, բայց ո՛չ Աստուծո կողմից»:

28 Պետրոսն սկսեց նրան ասել. «Ահավասիկ մենք թողել ենք ամեն բան և եկել ենք քո ետևից»:

29 Հիտուս պատասխանեց և ասաց «Ճշմարիտ եմ ասում ձեզ, չկա մեկը, որ թողած լինի տուն, կամ եղբայրներ, կամ քույրեր, կամ հայր, կամ մայր, կամ որդիներ, կամ ազգականներ ինձ համար կամ Ավետարանի համար,

30 Եվ այժմ, այս ժամանակի մեջ հալոյալապատիկ չստանա՝ տներ և եղբայրներ և քույրեր և մայրեր և որդիներ և ազգականներ՝ հալածանքներով հանդերձ, և այն աշխարհում, որ գալու է՝ հավիտենական կյանք:

31 Սակայն շատեր, որ առաջին են, պիտի լինեն վերջին, իսկ վերջիններ՝ առաջին»:

Խեղճ հարուստներ:

Անկասկած Հիտուս ևս, խորապես տխուր, որ իրեն հետևելու առաջարկը մերժվել է մեծահարուստի կողմից, սկսում է կարեկցել նրանց, որոնց կապվածությունը իրենց ունեցվածքին արգելում է նրանց մոտենալ Աս-

տուծո թագավորությանը: Նա նախ մի հալացք է գցում իր շուրջը (համար 23): Հավանաբար ամբոխի մեջ կան մարդիկ, որոնց առողջ տեսքը և գեղեցիկ կգեստները մատնում են նրանց մեծահարուստ լինելը: Նա ցավում է նրանց համար և իր վիշտը հայտնում է իր աշակերտներին:

Նրանք, իհարկե, ոչինչ չեն հասկանում: Աստվածաշնչական լրացմաթիվ գրվածքներում հարստությունը համարվել է երկնային օրինություն: Ինչու՞ իրենց տները այդպես նայում է նրանց, ասես ինչ-որ պակասություն ունենալին: Եվ Հիսուս նրանց համար նորից է կրկնում իր ուսուցումը, դժվար է Աստուծո արքայությունը մտնել (համար 24), իսկ հարուստների համար՝ մասնավորապես (համար 25):

Շատ է խոսվել այն պատկերի մասին, որ Հիսուս գործածել է հավաքեցնելու համար իր միտքը, դա ուղտի պատմությունն է, որը չի կարողանում անցնել ասեղի ծակից: Մարդիկ փորձել են բազմաթիվ բացատրություններ տալ, որպեսզի ավելի տրամաբանական դարձնեն այն: Ենթադրել են, օրինակ, որ Երուսաղեմում իբր գոյություն է ունեցել «Ասեղի դուռ» անունով ծանոթ մի նեղ դուռ, որտեղով ապստոլներն չեն կարողացել անցնել քարավաններն ու նրանց բեռները: Սակայն այդ դռնից այսօր չի մնացել որևէ ծանոթ հետք: Մտածել են նաև, որ «ուղտ» բառը հունարեն սխալ թարգմանություն է եղել սեմական մի բառի, որը նշանակել է «ծովային հաստ պարսկ» կամ «խարսխապարան»: Ուրեմն Հիսուս արամեերեն լեզվով ասած պիտի լիներ. «Ավելի հեշտ է, որ խարսխապարանը ասեղի ծակից անցնի, քան թե մի մեծահարուստ Աստուծո արքայությունը մտնի»: Սա, անշուշտ, ավելի տրամաբանական է, քան ուղտի պատմությունը: Բայց այս դեպքում դարձյալ արամեերեն այդ բառի հաստատումը ստույգ չէ:

Անկասկած պետք է պահել պատկերի ամբողջ ուժը իր անկապակցությամբ հանդերձ: Իր մեջքի վրա ծանր բեռ կրող ուղտի պատկերը հիանալիորեն ներկայացնում է իր ունեցվածքի մեջ խճճված մեծահարուստին: Արևելյան մտածելակերպը չի վախենում չափաանցություններից: Նոր Կտակարանից դարեր հետո գրված Ղուրանում հանդիպում ենք մի հատվածի, որը շատ մոտ է ավետարանական վերոհիշյալ խոսքին.

«Արդարև, նրանք, ովքեր մոլորություն են համարում մեր ուսմունքը և արհամարհոյժ այն, երկնքի դռները երբեք չալիսի բացվեն նրանց առաջ: Նրանք արքայություն կմտնեն այն ժամանակ միայն, երբ ղուլտը անցնի ա-

սեղի ծակից: Ահա այսպես պիտի վարձաորենք ոճրագործներին»:

(Ղուրան է 38)

Աշակերտների վախը կրկնապատկվում է: Նրանք մոռանում են, մենք բոլորս ինչ-որ բանով ավելի կամ նվազ հարուստ ենք, եթե Աստուծո արքայության մուտքի դուռը այդքան նեղ է, ուրեմն ո՞վ կարող է անցնել (համար 26): «Ով կարող է փրկվել»:

Սովորաբար երբ Հիսուսին այս կարգի հարցեր են ուղղում, նա ուղղակիորեն չի պատասխանում (համար 27): Աշակերտները կցանկանալին, որ Հիսուս կատարեր այնպիսի մի դասակարգում մարդկանց միջև, որը թույլ տար որոշել, թե ովքեր են օգտվելու Աստուծո արքայությունից և ովքեր դուրս են թողնվելու: Շատ փորձիչ է մի պատվար քաշելով աշխարհը բաժանել երկուսի և պատվարի լավ կողմը իրեն վերապահել:

Փոխանակ ընդունելու այս կարգի մի բաժանում, Հիսուս բոլորի՞ն է ուղղում Աստուծո թագավորության հրավերը: Ոչ ոք, ապաև ասած, իրավունքներ չունի Աստուծո թագավորության նկատմամբ, ոչ ոք ի վիճակի չէ, ըստ ընդունված մի արտահայտության, «պատրաստելու իր փրկությունը», բոլորը պետք է ձգտեն այնպիսի մի երջանկության, որը գալիս է իրենց հնարավորության սահմանից այն կողմ գտնվող մի տեղից: Դրան հակառակ, Աստված կարող է ամեն ինչ անել, նույնիսկ փրկել ամենահավատարիմ և ամենատոգորմեկ մարդկանց: Փրկությունը Աստուծո ձրի մեկ պարզևն է, որը տեսապես և լայնորեն առաջարկվում է, բայց երբեք մեկընդմիջում ձեռք չի բերվում: Մարկոսն այստեղ արտահայտվում է այնպիսի խոսքերով, որոնք նման են Պողոս առաքյալի խոսքին.

Բոլորը մեզք գործեցին և փրկվեցին Աստուծո փառքից ու նրա շնորհիվ ձրի պղծաբան Քրիստոս Հիսուսով եղած փրկությամբ (Հռոմ. 9 23—24):

Աստուծո աչքին արդարև չկան: Կարելի չէ մարդկանց բաժանել լավերի և վատերի, ընդունելիների և մերժելիների: Ոչ ոք մեկ ուրիշից ավելի իրավունք ունի փրկվելու: Պարզապես բոլորս էլ ավելի կամ նվազ չափով ծանրաբեռնված ենք մեղքով և հետևաբար ավելի կամ նվազ ընդունակ՝ ստանալու ձրի տրվող մի բարիք:

Պետքուր ինչ-որ բան համարում է այս բոլորից, եթե նույնիսկ դեռ երկար ճանապարհ ունի կտրելու: Նա աշակերտներին ներկայացնում է որպես Հիսուսի առաջ բաց և դատարկ ձեռքերով կանգնած մարդկանց,

որոնք թողել են ամեն ինչ՝ հետևելու համար նրան (համար 28) :

Հիսուս պատասխանում է՝ դարձյալ շըրջանցելով Պետրոսի հարցը. ամեն մարդ, որ տվել է, պիտի ստանա, և ոչ թե միայն աշակերտները: Եվ ինչ որ պիտի ստանա, շատ ավելին պիտի լինի, քան այն, ինչ թողնելու է: Թողնում ես տուն կամ հայր կամ մայր (համար 29)... ստանում ես տներ և մայրեր... (համար 30): Հասարակաց չափ չկա այն բանի միջև, ինչից մարդ հրաժարվում է և այն բանի, ինչ Աստված տալիս է:

Աստուծո պարգևների այս լիառատությունը հենց այսօրվա համար է և շուտ է տալիս հասարակականորեն ընդունված շատ արժեքներ: Նրանք, ովքեր ամեն ինչ են տվել, լիառատ են նոր հարստություններով. շատ վերջիններ դառնում են առաջիններ և փոխադարձաբար: Հիսուս ինքը վաղուց ունեցավ այս փորձառությունը, երբ Ավետարանը քարոզելու համար թողնելով յուրայիններին՝ վերագտավ մի նոր ընտանիք:

Ով Աստուծո կամքն է կատարում, նա՝ էլ իմ եղբայրը և քույրը և մայրը (Մարկ. 9 35):

Կանգ առնելով այս կետի վրա՝ Մարկոսը հայտնաբերում է հռոմի քրիստոնեական համայնքին, որի համար գրում է իր ավետարանը: Հալածանքները խտացել էին. ով կապվում էր Քրիստոսին, ստիպված էր լինում հաճախ ցավով հեռու մնալ յուրայիններից: Բայց ահա պատրաստ էր մի նոր ընտանիք՝ Եկեղեցին, որը օգնում էր տանելու բոլոր դժվարությունները և ավետում հավիտենական կյանքի երջանկությունը:

Ընտանեկան որոշ կապերի անխուսափելի խզումը հոգեկան տվայտանքի երևույթներից մեկն է, որ ամեն մարդ կոչված է ապրելու: Աստված այդ գիտե: Գիտե նաև հաջվի առնել այդ:

63. ԵՐՐՈՐԴ ՀԱՅՏՆՈՒԹՅՈՒՆ ՀԻՍՈՒՍԻ ՉԱՐԶԱՐԱՆՔՆԵՐԻ ԵՎ ՀԱՐՈՒԹՅԱՆ ՄԱՍԻՆ (Մարկ. Ժ 32—34)

Ժ 32 Երուսաղեմ եկելու ճանապարհի վրա էին. Հիսուս նրանցից ավելի առաջ էր գնում. իսկ նրանք, որ նրա ետևից էին գնում, կարմացած էին ու վախճանում էին: Եվ նա նորից իր հետ վերցնելով տասներկուսին՝ առանձին, սկսեց ասել նրանց, թե ինչ բաներ պիտի պատահեն իրենց:

33 «Ահա եկում ենք Երուսաղեմ, և մարդու Որդին պիտի մատնվի քահանայապետներին ու դպիրներին, և նրան մահվան պիտի դատապարտեն ու հեթանոսների ձեռքը պիտի մատնեն.

34 Նրան պիտի ծաղրեն. նրան պիտի ծեծեն ու նրա վրա պիտի թքեն. և պիտի սպանեն. և երրորդ օրը նա հարություն պիտի առնի»:

Երրորդ և վերջին անգամ լինելով՝ Հիսուս իր աշակերտներին հայտնում է իր մոտալուտ մահվան և երեք օրից հետո իր հարության մասին: Չգացվում է, որ այս երեք հայտնությունների մեկից դեպի մյուսը աստիճանաբար ավելանում է պատմության եղբրական լարվածությունը:

— Առաջին հայտնությունը (Մարկ. Ը 31—33) անապատելի էր: Պետրոսի կողմից բացահայտվում էր Հիսուսի ինքնությունը, որպես Քրիստոսի: Հայտնել յուրայիններին, որ ինքը մեռնելու է, նշանակում էր շուտ տալ ամեն ինչ, նշանակում էր նրանց հոգեկան անդորրը վրդովել՝ չհաշված նաև այն, որ Մեսիայի ձախողությունը աներևակայելի է հրեայի համար: Պետրոսի հակադեցությունն արդեն ցույց էր տվել աշակերտների լիակատար անհասկացողությունը:

— Երկրորդ հայտնությունը (Մարկ. Թ 30—32) տեղի էր ունեցել ավելի լարված մի մթնոլորտում: Հիսուս գաղտնի էր անցնում Գալիլիայի միջով: Քարույզական շրջապատությունների երբեմնի փառահեղ ժամանակներն այլա չկային: Վերհիշեցնելով այն չարչարանքները, որոնց պիտի ենթարկվեր շուտով, Հիսուս կարծես մեծ դժկամությամբ մի մեխ էր խրում իրեն հետևողների գլխի և սրտի մեջ:

— Այժմ, նախքան Հիսուս երրորդ անգամ նույն բանը կկրկնել, վախն արդեն բռնել էր աշակերտներին: Յուրաքանչյուրը գիտեր, որ ինքը իր կյանքում մի տեղ պետք է վերապահի մահվան կամ որևէ անձնապոհության համար: Դեպի Երուսաղեմ տանող պառիվեր ճանապարհի վերջին կիլոմետրերը վերածվում են տանջալից մի ուղևորության: Հիսուս դրա գլխավոր պոռն է. բայց աշակերտներից յուրաքանչյուրն էլ յուրատեսակ մի պոռն է:

Այս եղբրական առաջխաղացման պատկերով Մարկոսն արտահայտում է այն միտքը, թե քրիստոնյայի համար որքա՞ն երկար և որքա՞ն դժվարին է ընդունել հարության ճանապարհը: Հարությունը հորիզոնում է անջուշտ, սակայն նախ պետք է անցնել չարչարանքների բովից. իսկ յուրաքանչյուր ոք դրան դիմադրում է իր ամբողջ էությամբ:

Չուզողիպելով ավելի ծանր մի պահի՝ այս երրորդ հայտնությունը միևնույն ժամանակ նաև ավելի որոշակի է, քան նախորդները: Այս հայտնության մեջ մեկը մյուսի ետևից ոգեկոչված են Ավագ հինգշաբթի և Ավագ ուրբաթ օրերի ամենապզվելի դրվագները:

— Քահանայապետների և դպիրների պատասխանատվությունը Հիսուսի դատապարտության մեջ:

— Միջամտությունը մի հեթանոսի, ինչպիսին Պիղատոսն է:

— Ծաղր, թուք ու մուր, ծեծ:

Հիսուսի չարչարանքների պատմությունը, ըստ սուրբ Մարկոսի, արդեն այստեղ ուրվագծվում է այնպես, ինչպես ավետարանիչը պիտի հաղորդի հետագայում:

Տասներկու աշակերտները այժմ մանրամասնորեն տեղյակ են, թե ինչպե՞տք է պատահի իրենց տիրոջը: Որոշակի մի հեգնանքով Մարկոսը ցույց է տալիս, որ նրանք նախօրոք գիտեն, թե ինչպիսին պիտի լինի խաչի ձանապարհը: Բարեբախտաբար Հիսուս նրանց նկարագրել է դա, որովհետև երբ իրադարձությունները տեղի ունենան, նրանք այնև այնտեղ չպիտի լինեն՝ վկա լինելու համար: Բոլորն էլ վախկոտների պես փախուստ պիտի տան:

64. ՓԱՌՔԸ ԿԱՄ ԽԱՂԸ (Մարկ. Ժ 35—40)

Ժ 35 Ձերեղեռսի որդիները՝ Հակոբոսը և Հովհաննեսը, գնացին նրա մոտ և ասացին նրան. «Վարդապետ, ինչ որ քեզինց պիտի խնդրենք, կամենում ենք, որ անես մեզ համար»:

36 Եվ նա ասաց նրանց. «Ի՞նչ եք կամենում ինձինց, որ անեմ ձեզ համար»:

37 Եվ նրանք ասացին նրան. «Շնորհ առա մեզ, որ նստենք մեկս քո աջում և մյուսս՝ ձախում՝ քո փառքի մեջ»:

38 Հիսուս պատասխանեց և առաջ նրանց. «Չեք խմանում, թե ինչ եք խնդրում. կարո՞ղ եք խմել այն բաժակը, որ ես խմելու եմ, կամ մկրտվել այն մկրտությամբ, որով ես մկրտվելու եմ»:

39 Եվ նրանք ասացին նրան. «Կարող ենք»: Եվ Հիսուս նրանց ասաց. «Այն բաժակը, որ ես խմելու եմ, կխմեք, և այն մկրտությունը, որով ես մկրտվելու եմ, նրանով կմկրտվեք»:

40 Բայց իմ աջում և ձախում նստեցնելը ես չեմ, որ պիտի տամ, այլ տրվելու է նրանց, որոնց համար պատրաստված է»:

Իր չարչարանքների մասին Հիսուսի յուրաքանչյուր հայտնության ժամանակ աշակերտները միշտ ցույց էին տալիս անպատեն մի հակապոզիություն: Առաջին հայտնությունից հետո Պետրոսն էր, որ խստորեն հանդիմանում էր իր տիրոջը (Մարկ. Ը 32—33): Երկրորդից հետո ամբողջ խումբը սկսեց էր մտախոզվել, թե իրենց մեջ ո՞վ է առաջինը (Մարկ. Թ 33—37): Այժմ էլ երկու

եղբայրները՝ Հակոբոսն ու Հովհաննեսն են պահանջում բավազույն տեղերը Հիսուսի փառքի մեջ, որ նա ստանալու է Աստուծոց: Հակատագրի ինչպիսի՞ հեգնանք: Երբ Հիսուս խաչի վրա պիտի ավանդեր իր հոգին, նրա աջ և ձախ կողմում պիտի լինեին երկու ավազակներ, որոնք պիտի բաժանեին նրա տանջանքները:

Եվ նրա հետ խաչեցին երկու ավազակներ, մեկը նրա աջում և մյուսը՝ ձախում (Մարկ. ԺԵ 27):

Այն երկու տեղերը, որ Հակոբոսն ու Հովհաննեսը պահանջում են, նախանձեղի ոչինչ չունեն իրենց մեջ: Եվ հենց այդ է, որ Հիսուս փորձում է հասկացնել նրանց: Փառքից առաջ հարկավոր է տառապել: Այդ են արտահայտում Հիսուսի խոսքի մեջ օգտագործված բաժակի և մկրտության երկու պատկերները:

Հին Կտակարանում բաժակը երբեմն երանության խորհրդանշան է, բայց այն հաճախ նաև զգվանք պատճառող հեղուկով լցված դառնության բաժակ է, որ պետք է խմել ամեն գնով: Եսայի մարգարեի գրքում այդ մասին խոսվում է այն աղետի կապակցությամբ, որին ենթարկվեց Նաբուգոդոնոսորի կողմից ավերված Երուսաղեմը 587 թվականին Քրիստոսից առաջ: Մարգարեն կոչ է անում քաղաքին վերստին ոտքի կանգնել այն նվաստացումից հետո, որ իր բաժինը եղավ:

Չարթի՛ր, զարթի՛ր, վե՛ր կաց, Երուսաղեմ,
Դու, որ խմեցիր Տիրոջ ձեռքից
Բաժակը նրա բարկության.
Լայնադիր բաժակը կործանման
Դու խմեցիր, քամեցիր:

(Եսայի ԾԱ 17)

Հիսուս ինքն էլ, իր ձերբակալությանը նախորդող վերջին աղոթքի մեջ, պիտի խնդրեր Հորը, որ խնայեր իրեն տառապանքի բաժակը:

Աբբա, Հա՛յր, ամեն ինչ հնարավոր է քեզ. Այս բաժակն ինձինց հեռացրո՛ւ, Բայց ոչ թե ինչպես ե՛ս եմ կամենում, Այ՛ ինչպես կամենում ես դո՛ւ:

(Մարկ. ԺԴ 36)

Ինչ վերաբերում է մկրտությանը, որի ջրի մեջ թաթախման մի շարժում է, ուր ամբողջովին անհետանում է մարմինը, նմանապես մահվան խորհրդանշան է: Այն հետո՝ միայն խորհրդանշում է կյանքը, երբ մկրտվողը ջրից դուրս է գալիս ապառ օդ:

Ահա ա՛յս է, որ Հիսուս պիտի ապրի: Եվ նրա հետ լինելու համար ա՛յս պետք է ապրել: Հետագայում Հակոբոսը մարտիրոսի մահ պիտի ունենար՝ սպանվելով Հերովդես թագավորի ձեռքով (ըստ Գործք Առաքելոցի, ԺԲ 2): Գայով Հովհաննեսին՝ նա, ըստ քրիստոնեական ավանդության, մահացել է բնական մահով, սակայն նրա վկայի կյանքը նույնպես առանց փորձությունների չի անցել:

Բաժանել Հիսուսի տառապանքները, ահա այս է աշակերտի բաժինը: Այն փառքը, որ սպասում է մեզ, պատասխանն է այն սիրո, որ Հայրը վերապահում է իրեն հավատացողներին: Այդ փառքը միայն նրա՛ն է պատկանում: Հիսուս իսկ նրա տերը չէ:

Այնպես, ինչպես Մարկոսը նկարագրում է այն պատիվը, որ Աստուծո կողմից «տըրվելու է նրանց, որոնց համար այն պատրաստված է» (համար 40), անբավարար է արդի մտածողության տեր մարդու համար: Աստուծո ծրագրով միայն ընտրյալներին նախասահմանված այդ պատիվը այսօր հնարույր է, ինչպես հնաբույր են շատ բանաձևեր, որոնք, սակայն, ընթացիկ են Աստվածաշնչի մեջ. օրինակ՝ «Աստված ընտրում է», «Աստված խստացնում է սրտերը», «Աստված օրհնում է...» և այլն: Այստեղ կա աստվածաշնչական լեզվից եկող մի դժվարություն. այնքան է ընդգծվում Աստուծո գործվածից նախաձեռնությունը, որ կարծես ժխտվում է մարդու ապատությունը:

Սակայն, երբ կարդում ենք Հին կամ Նոր Կտակարանի պատմությունները՝ առանց դրանցից առանձնացնելու բանաձևերը, նկատում ենք, որ մարդը միշտ ապատ է, և Աստուծո ընտրությունները բոլորովին էլ քմահաճ բաներ չեն: Աստուծո ապատությունը ոչինչ չի վերացնում իր արարածների ապատությունից:

Եթե Աստված Աստված է, կարող ենք նրան վստահել՝ առանց երաջխիքներ կամ հաշիվ պահանջելու նրանից:

65. ԻՇԽԵԼ ԾԱՌԱՅՅԻ ՊԵՍ (Մարկ. Ժ 41—45)

Ժ 41 Այդ լսելով՝ տասը առաքյալները սկսեցին բարկանալ Հակոբոսի և Հովհաննեսի վրա:

42 Հիսուս իր մոտ կանչեց նրանց և ասաց. «Գիտե՞ք, որ հեթանոսների մեջ իշխանավորներ համարվածները տիրում են նրանց. և նրանց մեծամեծներն իշխում են նրանց վրա:

43 Իսկ ձեր մեջ այդպես չպետք է լինի. այլ

ձեզնից ով կամենա մեծ լինել, թող լինի ձեր սպասավորը.

44 և ձեզնից ով կամենա առաջին լինել, բռնորին ծառա թող լինի.

45 որովհետև մարդու Որդին էլ չեկավ ծառայություն ընդունելու, այլ՝ ծառայելու և տալու իր անձը որպես փրկանք շատերի փոխարեն»:

Մյուս տասը առաքյալները պայրանում են Հակոբոսի և Հովհաննեսի դեմ: Գրվածքը հատկորեն չի ասում, թե ինչ էր նրանց պայրության պատճառը: Արդյո՞ք դա հենց առանձնաշնորհյալներ լինելու սկզբունքն էր, որ երկու եղբայրները խնդրում էին Հիսուսից (Մարկ. Ժ 35—40): Այդ դեպքում առաքյալների պայրության արդար էր: Կամ, ընդհակառակը, արդյո՞ք պատճառն այն էր, որ նրանք վախենում էին, թե մյուսները «կկանխեն» իրենց: Այդ դեպքում դա շատ ավելի խղճալի մի բան կլիներ...

Դրդապատճառն ինչ էլ եղած լիներ, Հիսուս օգտվում է առիթից՝ հավաքված տասներկու աշակերտներին ուղղելու համար մի հատու ճառ իշխանության խնդրին վերաբերող հարաբերությունների մասին, որ պետք էր հաստատել աշակերտների միջև և... Եկեղեցում: Քրիստոնյաների միջև նվիրապետությունը ճիշտ հակառակն է այն իշխանությանը, որ եղել է Հռոմեական Կայսրության կամ քաղաքային ալ կապմակերպությունների մեջ: Կրոնական իշխանությունը սոսկ ծառայության իշխանություն է: Աստվածաբանները հենց այդպես էլ սահմանել են այն, եթե նույնիսկ դարերի ընթացքում այդ իշխանությունը գործադրվել է ավելի կամ նվազ հաշտությամբ: Չէ՞ որ պապն ինքը կոչվում է «Աստուծո ծառաների ծառա»:

Հիսուսի վերաբերմունքը, որով նա իր անձը դնում է մարդկանց տրամադրության տակ, միակ օրինակն է այն իշխանության, որ քրիստոնյաները կարող են օրինավորապես գործադրել մեկը մյուսի նկատմամբ: Նա եկավ «ծառայելու և տալու իր անձը որպես փրկանք» (համար 45): «Փրկանք» կամ «փրկագին» բառը խորհեցնող բառ է. մարդ տհաճությամբ է ընդունում նրա ֆինանսական երանգը: Այն մտածել է տալիս ինչ-որ գնի մասին, որ Հիսուս իբր վճարել է իր մահով, այն էլ չգիտենք, թե ում... Իրականում, Մարկոսի տեքստում այս բառի գործածության մեջ կա ապատագրության գաղափարը. ապատագրությունն այն գերիների և ստրուկների, որ մենք ենք. սակայն անհրաժեշտ չէ պատկերացնել փրկանք պահանջող ինչ-որ մեկի գոյությունը: Մահանալիս Հիսուս իր անձը ծառա-գերի դարձրեց մարդ-

կանց: Նա այդ արեց, որպեսզի մենք ապատագրվենք ամեն ինչից, որ մեզ գերի է դարձնում. մեղքից, բռնավորությունից և դեռ շատ ուրիշ բաներից:

Հիսուս իրապես ապատագրող է. նրա աշակերտների կողմից գործադրվող իշխանությունն էլ, հետևաբար, ամենից առաջ պետք է լինի ապատագրող իշխանություն:

66. ՎԵՐՋԻՆ ԿԱՆՉՎԱՅԸ

(Մարկ. Ժ 46—52)

- Ժ 46 Եկան Երիբով: Եվ մինչև նա Երիբովից դուրս էր գալիս իր աշակերտներով և բազում ժողովրդով, Տիմոնի որդին՝ Կուրը Բարտիմեոսը, նստել, մուրում էր ճանապարհի ելքին:
- 47 Երբ լսեց, թե Հիսուս Նազովրեցին է, սկսեց աղաղակել և ասել. «Դավթի՛ Որդի, Հիսու՛ս, ողորմի՛ր ինձ»:
- 48 Եվ շատերը նրան սաստում էին, որ լռի, իսկ նա առավել ևս աղաղակում էր. «Դավթի՛ Որդի, ողորմի՛ր ինձ»:
- 49 Հիսուս կանգնեց և հրամայեց, որ կանչեն նրան: Կուրին կանչեցին և առաջին նրան. «Քաջաբերվի՛ր, վե՛ր կաց, կանչում է քեզ»:
- 50 Եվ նա, դեն գցելով իր զգեստները, վեր կացավ-եկավ Հիսուսի մոտ:
- 51 Հիսուս նրան պատասխանեց և ասաց. «Ի՛նչ ես ուզում, որ քեզ անեմ»: Կուրը նրան ասաց. «Ռաբբունի՛, աչքերս թող բացվեն»:
- 52 Եվ Հիսուս ասաց նրան. «Գնա՛, քո հավատը քեզ փրկեց»: Եվ իսկույն նրա աչքերը բացվեցին, և ճանապարհին գնում էր նրա ետևից:

Երիբովը վերջին կայանն է Երուսաղեմից առաջ, ուր գնում են Հիսուս և նրան ուղեկցողները: Ճանապարհորդությունը վերջանում է լավատեսություններով մի եղելությամբ: Ավետարանական քիչ դրվագներ այնքան գրավչություն ունեն, որքան կուր Բարտիմեոսի բժշկումը: Հապվազյուտ է նմանապես, որ Հիսուսի հետ մի հանդիպում լինի այսքան հաջող:

Դրվագի սկզբում մի կուր մարդ նստած է ճանապարհի ելքին՝ փաթաթված մի վերարկուի մեջ: Դրվագի վերջում նա կանգնած է հստակ տեսողությամբ և վերարկուն հանած գնում է Հիսուսի ետևից: Այս բոլոր մանրամասնություններն ունեն խորհրդանշական ակնհայտ իմաստ. հասարակությունից դուրս մնացած և խավարի աշխարհում ապրող մի մարդ դառնում է հավատի լույսով լուսավորված աշակերտ: Ի՛նչ բան հարկա-

վոր եղավ, որպեսզի կատարվեր այս փոփոխությունը:

Կուրը ոչինչից չի մեկնում: Հիսուսի ուշադրությունը գրավելու համար նա հեռվից երկու անգամ ձայն է տալիս նրան՝ կոչելով. «Դավթի Որդի»: Սա մի պարզ արտահայտություն չէ, այլ մի տխրոս է, որ տրվում էր Մեսիային, ինչպես այդ ցույց է տալիս Մարկոսի պատմած հետագա դրվագներից մեկը, որի մեջ Հիսուս մեջ է բերում դպիրների կարծիքը՝ ասելով. «Ինչպե՛ս են ասում դպիրները, թե Քրիստոս Դավթի Որդի է» (Մարկ. ԺԲ 35—37): Բարտիմեոսը, չգիտես ինչպես, Հիսուսի ինքնության մասին արդեն ունի հստակ գաղափար: Այդ իմաստով նա մոտավորապես նույն աստիճանի վրա է գտնվում, ինչպես Պետրոսը Կեսարիայում, երբ ասում էր իր տիրոջը. «Դու Քրիստոսն ես» (Մարկ. Ը 29):

Կուրը նաև սաստվում է. գուցե ամբոխի կողմից, որը պարզապես ցանկություն չունի նրան լսելու. կամ թերևս աշակերտների կողմից, որոնք հրահանգ են ստացել չտարածելու, որ Հիսուս Մեսիան է, և պարտավորություն են կրում այդ հրահանգը գործադրել տալու նաև ուրիշներին (Մարկ. Ը 27—30):

Հիսուս, ընդհակառակը, կանչել է տալիս կուրին: Սա մի շարժումով դեն է գցում իր միակ հարստությունը՝ այն վերարկուն, որը ծածկում էր նրա մարմինը: Քաներորդ դարի ընթերցողը, որ իր տրամադրության տակ ունի անհրաժեշտ մի հանդերձապահարան, իհարկե դժվար կհասկանա այս մանրամասնության նշանակությունը: Սակայն Մարկոսի ժամանակակից մարդը շատ լավ էր հասկանում, որ Երիբովում մի կուր մուրացիկ հաստատապես ուրիշ ոչինչ չէր կարող ունենալ: Հին Կտակարանում մեծ կարևորություն է տրվում աղքատի վերարկուին: Մովսեսի Օրենքում կա մի շատ գեղեցիկ պատմիրան, որը պարտատերերին պարտավորեցնում է, որ իրենց պարտապաններին թողնեն գոնե մի վերարկու գիշերվա համար.

Եթե գրավես քո ընկերոջ վերարկուն. Մինչև մայրամուտ ե՛տ դարձրու նրան. Քանցի ա՛յն է միակ ծածկոցը նրա, Հանդերձն իր մարմնի, որով պիտի ննջի նա:
(Ելից ԻԲ 25—26)

Բարտիմեոսը, բժշկվելուց իսկ առաջ, Հիսուսին գալու համար իր միակ ունեցվածքը թողնելով՝ իրականացնում է այն, ինչ քիչ առաջ Մարկոսի ավետարանում մի հարուստ մարդ չէր կարողացել անել (Մարկ. Ժ 17—

22): Այդ թույլից նա միանում է Պետրոսին, որն ասում էր թե՛ ինքն իր մասին և թե՛ մյուս աշակերտների. «Ահավասիկ մենք թողել ենք ամեն բան և եկել ենք քո ետևից» (Մարկ. Ժ 28):

Պատմության ավարտը տպավորիչ է: Հիսուս ընդունում է մուրացկանի հավատը, ոչ միայն իր մասին, որպես Մեսիայի, նրա ունեցած հավատը, այլ նաև այն հավատը, որով նա կարողացավ առաջնորդվել համապատասխան ձևով: Բարտիմեոսը հասնում է լույսին և իր փրկչի հետ բռնում Երուսաղեմի ճանապարհը, չարչարանքների ուղին:

Նրա մասին ավելի ոչինչ չգիտենք: Այստեղ ավարտվում է նրա դերը: Նրա պատմությունն այսուհետև շփոթվում է ամեն փարդու պատմության հետ, ով միջոցներ է ձեռք առնում գնալու Հիսուսի ետևից:

67. ՄԵՍԻԱՅԻ ՄՈՒՏՔԸ ԵՐՈՒՍԱԼԵՄ (Մարկ. ԺԱ 1—11)

ԺԱ 1 Երբ մոտեցան Երուսաղեմին, Բեթփազեին և Բեթանիային, Չիթենյաց լեռան մոտ, նա ուղարկեց իր աշակերտներից երկուսին և ասաց նրանց.

2 «Դուք գնացե՛ք այդ գյուղը, որ ձեր դիմացն է. և հենց որ այնտեղ մտնեք, կգտնեք մի կապված ավանակ, որի վրա ոչ մի մարդ չի նստել. արձակեցե՛ք այն և բերե՛ք:

3 Եվ եթե մեկը ձեզ ասի. «Այդ ավանակը ինչո՞ւ եք արձակում», կասեք. «Տիրոջը պետք է». և նա իսկույն դրան այստեղ կուղարկի»:

4 Գնացին և գտան ավանակը՝ կապված դռան մոտ, դրսում, փողոցի մեջ, և այն արձակեցին:

5 Եվ այնտեղ կանգնածներից ոմանք ասացին նրանց. «Ի՞նչ եք անում, ինչո՞ւ եք այդ ավանակն արձակում»:

6 Եվ նրանք նրանց ասացին, ինչպես Հիսուս ասել էր. ու նրանց թույլ տվին:

7 Ավանակը բերեցին Հիսուսի մոտ. դրա վրա զգեստներ գցեցին, և Հիսուս նրանց դրա վրա:

8 Եվ շատերը իրենց զգեստները փռում էին ճանապարհին. ուրիշներ ծառերից ձյուղեր էին կտրում ու գցում ճանապարհի վրա:

9 Եվ նրանք, որ առաջից ու ետևից էին գնում, աղաղակում էին և ասում. «Ով սանձա՛ Բարձրալին: Օրհնյա՛լ լինի նա, որ գալիս է Տիրոջ անունով.

10 Օրհնյա՛լ լինի մեր հոր՝ Դավթի թագավորությունը, որ գալիս է: Խաղաղու-

թյուն՝ երկնքում և փա՛ռք՝ բարձունքներում»:

11 Եվ Հիսուս մտավ Երուսաղեմ, տաճարը ու նայեց իր շուրջը, ամեն ինչի վրա. և որովհետև երեկոյի ժամ էր, բարձրացավ Բեթանիա՝ Տասներկուսի հետ միասին:

Հրեական ավանդություններից մեկի ցանկությունն է եղել, որ վերջին ժամանակներին Մեսիան Երուսաղեմ մտնի արևելյան կողմից՝ իջնելով Չիթենյաց լեռնից: Դրա վկաներն են այսօր խորայերական այն բազմաթիվ շիրմները, որոնք իրար կողքի շարված են նրա լանջերին, որպեսպի, վերջնական հաբության ժամանակ, այնտեղ պառկած նընջեցյալները առաջինը մասնակցեն այն հաղթական թափոթին, որը մուտք է գործելու սուրբ քաղաք:

Մարկոսը և մյուս ավետարանիչները մոտ են կանգնած այս ավանդությանը, երբ նույն ձևով նկարագրում են Հիսուսի մուտքը մայրաքաղաք, որտեղ և վճռվելու է նրա մահը: Նրանց գրվածքներում շատ են Հին Կտակարանին վերաբերող ակնարկությունները: Մարկոսը որոշակիորեն մեջ է բերում 118-րդ Սաղմոսը, որը ծիսական մի երգ է, և որի մասին այն կարծիքը կա, թե կատարվել է Տաղավարաժարաց տոնի ժամանակ: Այդ տոնը հրեական տարվա երեք մեծ հանդիսություններից մեկն էր:

Ո՛հ, Տեր, փրկի՛ր, խնդրում եմ.

Ո՛հ, Տեր, առաջնորդի՛ր, խնդրում եմ:

Օրհնյա՛լ լինես, որ գալիս ես Տիրոջ անունով. Օրհնում ենք քեզ Տիրոջ տանից:

(Սաղմոս ձԺԸ 25—26)

«Փրկի՛ր, խնդրում եմ» բառերը թարգմանությունն են եբրայեցերեն «Ովսաննա» բառի, որ Մարկոսը մեջբերում է իր մայրենի լեզվով առանց թարգմանելու կարիք զգալու, որովհետև, անկասկած, այդպես էլ այն արդեն անցել էր քրիստոնեական ծեսի մեջ: Եվ ավելի մեծ ուժով ընդգծելու համար, թե Հիսուս Մեսիան է, որը եկել է հաստատելու Թագավորությունը, ավետարանիչը իր կողմից մի նախադասություն է ավելացնում սաղմոսին. «Օրհնյալ լինի մեր հոր՝ Դավթի թագավորությունը, որ գալիս է» (համար 10):

Աստվածաշնչական մի ուրիշ գրվածք ևս հստակորեն ստորոգվում է այս դրվագին՝ չնայած որ Մարկոսը որոշակի կերպով չի մեջբերում այն: Հարցը վերաբերում է Չաքարիա մարգարեի գրքում գտնվող մի պատգամի, որը նկարագրում է, թե ինչպես Մե-

սիան, հրեա ժողովրդի գլուխն անցած, գալիս է հաղթանակ և խաղաղություն բերելու մեղմ միջոցներով: Ընտանի և հեղ ալանակը փոխարինում է ամենի երիվարներին, իսկ պենքերն անհետացած են նրա արքայական պահավորումից:

Ուրախացի՛ր հույժ, դո՛ւստր Սիոնի,
Ցնցությամբ կանչի՛ր, դո՛ւստր Երուսաղեմի:
Քո բազմվորն ահա գալիս է քեզ մոտ,
Արդար է նա ու փրկագործ,
Նստած է նա մի էշի վրա, մի իշուկի:
Նա բնաջինջ պիտի անի
Հեծելազորն Եփրայիմից,
Երիվարներն Երուսաղեմից:
Պիտ խորտակվի ռազմի աղեղն,
Ու ազգաց մեջ պիտի լինի խաղաղություն:
(Չաքարիա Թ 9—10)

Կարելի է այսպես բազմացնել Հին Կտակարանից այն մեջբերումները, որոնց ակնարկում է Մարկոսի տեքստը: Դրանք բոլորն էլ կօգնեն միևնույն նպատակին, ցույց տալ, որ Հիսուս Երուսաղեմ է մտնում ինչպես Մեսիան, նա, որ մի քանի օր հետո վերստին դուրս պիտի եկնի այնտեղից՝ գնալու համար դեպի տանջանք:

Հիսուս սուրբ քաղաք իր մուտքը պատրաստում է այնպիսի խնամքով, ինչպես հետագայում պիտի պատրաստեր վերջին ընթրիքը (Մարկ. ԺԴ 12—16): Երկու դեպքում էլ երկու աշակերտներ պարտականություն են ստանձնում նախապատրաստություններ կատարելու և ամեն ինչ գտնում են իրենց տիրոջ ցուցումների համաձայն: Հիսուս գիտի, թե ուր է գնում. չարչարանքները հորիզոնում են. նա ոչ մի կերպ չի փախչում դրանցից: Աշակերտները, ընդհակառակը, չեն հասկանում նշանակությունն այն բանի, ինչ իրենց կարգադրվում է անել: Հիսուս պզուշանալով, որպեսզի իրեն դեպի խաչը տանող ճանապարհի մեկ կողմից մուտք չանցնեն նրանք, առայժմ նրանց պահում է սոսկ հրահանգներ գործադրողի դերում:

Դրան հակառակ, երբ խնդիրը վերաբերում է նրա արքայական վեհությունը վեր հանող գործեր կատարելուն, նրանք իսկույն պատրաստ են նախաձեռնությունների դիմելու. խեղճ ավանակի մեջքին կտորներ գրգել, ծառի ձյուղերից և պետությունից կապմոված գորգեր փռել ճանապարհին, հանդիսավոր բացականչություններ անել և այլն:

Նրանց վերաբերմունքը թվում է միաժամանակ ճիշտ (որովհետև Հիսուս արժանի է այդ պատիվներին) և սխալ (որովհետև ադ պատիվները մի տեսակ ծաղր են՝ ուղղված մի մարդու, որ գնում է դեպի տանջանք):

Այս հատվածը չի կարդացվում առանց որոշ սրտնեղության: Եվ երբ հասնում ենք ավարտին, այդ սրտնեղությունը որոշապես վերածվում է մտահոգության (համար 11): Հիսուս քննում է, թե ինչ է տեղի ունենում տաճարում և մեկնում այնտեղից առանց մի բառ ասելու: Զգացվում է, որ պատրաստվում է ինչ-որ վտանգավոր բան:

68. ՄԱՐԳԱՐԵԱԿԱՆ ԽՈՍԺ ՄԻ ԹՁԵՆՈՒ ՄԱՍԻՆ (ԺԱ 12—14)

ԺԱ 12 Հաջորդ օրը, մինչ Բեթանիայից դուրս էին գալիս, Հիսուս քաղցած էր:
13 Հեռվից մի տերևալից թզենի տեսնելով՝ եկավ, որ թերևս նրա վրա մի բան գրանի. և երբ նրան մոտեցավ, ոչինչ չգրտավ, այլ միայն՝ տերև, որովհետև տակավին թզի ժամանակը չէր:
14 Հիսուս խոսքը նրան ուղղեց և ասաց. «Էլ թզվից ոչ ոք պտուղ չուտի հավիտյան»: Եվ նրա աշակերտները լսում էին:

Կոնտեքստից դուրս՝ անիծված թզենու այս պատմությունը անհեթեթ մի բան է: Այն մտածել է տալիս երիտասարդ Հիսուսի քմահաճությունների մասին, որը, տեղի-անտեղի, օգտագործում է իր խոսքի կարողությունը. երեխայական բաներ, որոնք մեծ հաճությամբ նկարագրված են մեր թվագրության 5-րդ կամ 6-րդ դարերում գրված պարականոն որոշ ավետարաններում: Դա այնքան էլ նրման չէ՝ Նոր Կտակարանի Քրիստոսին:

Կոնտեքստը, սակայն, տալիս է աչքուսաբանություն: Հիսուսի՝ Երուսաղեմ գալու հաջորդ օրն է: Նախորդ օրը նա երկարորեն նայել էր, թե ինչ է տեղի ունենում տաճարում, ապա մեկնել էր այնտեղից առանց ոչինչ ասելու: Հետևալ օրը առավոտյան նա տակնուվրա պիտի աներ ամեն ինչ, որ վաճառքի առարկա էր դարձել այդ շենքում, որը պետք է լիներ «աղոթքի տուն», և որի պատասխանատվությունը, սակայն, այն վերածել էին «ավազակների որջի» (Մարկ. ԺԱ 15—19): Տաճարը չի տալիս այն պտուղները, որ պետք է տար:

Ահա այստեղ է, որ մեջ է մտնում թզենու դրվագը:

Հին Կտակարանում թզենին հաճախ հանդես է գալիս որթատունկի հետ միասին որպես Ավետյաց երկրի բարգավաճման նշան: Ինքը որթատունկը Եսայի մարգարեի կողմից համեմատվում է Իսրայելի հետ, որը պետք է տար վարդակարմիր խաղողներ և որը, սակայն, իր բազում անհավատարմությունների պատճառով, տալիս է վատ հատիկներ, որոնցով միայն կարելի է վատոր-

րակ գինի պատրաստել (ըստ Եսայու Ե 1—7. տես նաև Մարկ. ԺԲ 1—12): Համանման ձևով, առաջին սաղմոսում, Տիրոջ Օրենքը գործադրող մարդը նմանեցվում է արգասաբեր մի ծառի:

Նա նման է ջրերի եզրին տնկված ծառի, Որ պտուղն իր պիտի տա իր ժամակակին: Նրա տերերը չպիտի թափվի բնավ, Եվ ինչ որ անելու է, պիտի հաջողվի նրան: (Սաղմոս Ա 3)

Մյուս կողմից՝ Մարկոսն արդեն պտղի մասին խոսել է սերմնացանի առակում. պտուղ, որ տալիս են նրանք, ովքեր լսում են խոսքը և ընդունում այն (Մարկ. Դ 1—9 և Դ 13—20):

Անպտուղ թզենին ներկայացվում է բոլորովին այլ բան, քան ծառն ինքը: Նրա մասին եղած առակը մի տեսակ գործադրության մեջ եղող առակ է: Այն խոսքը, որ Հիսուս ուղղում է նրան, պատկանում է Երեմիայի կամ Եզեկիելի կողմից կատարված խորհրդանշական գործերի շարքին. մարգարեն ասում և մի առարկայով հրապարակավ անում է այն, ինչ Աստված պիտի անի Երուսաղեմի կամ Իսրայելի համար: Դա մարդկանց աչքերն ու ականջները բաց անելու մի ձև է՝ այն անխուսափելի ապագայի առջև, որ նրանք պատրաստել են իրենց համար:

Երբ Հիսուս իր խոսքն ուղղում է թզենուն, աջակերտներն այնտեղ են և լսում են (համար 14): Նա պատկերավոր ձևով հայտնում է նրանց, որ հրեական աշխարհի կարևոր մեկ հաստատությունը, անկասկած տաճարը, չի տալիս այն պտուղները, որ Աստված կարող էր սպասել նրանից, և նա ընդմիջտ մնալու է անպտուղ:

Գրվածքը չի ասում, թե նրանք ինչ հակադաս ալոք պահին: Հավանաբար նրանք մնացին խորապես շփոթված, ճիշտ այնպես, ինչպես ինքնաբերաբար լինում է Մարկոսի ընթերցողը, որ համակրանքով է լցված այդ դժբախտ թզենու նկատմամբ, որի միակ հանգանքը թույլ չունենալն է զարնանը, թյի եղանակից ամիսներ առաջ: Հին Կտակարանով սնված խորհրդածությունը միայն թույլ է տալիս առաջին հակադրություններից այն կողմ անցնել և հասնել այս դրվագի խորհրդանշական իմաստին:

69. ԱՆՀԱՎԱՏԱՐԻՄ ՏԱՃԱՐԸ (Մարկ. ԺԱ 15—19)

ԺԱ 15 Եկան Երուսաղեմ: Հիսուս տաճար մտնելով՝ սկսեց դուրս հանել տաճա-

րում գտնվող վաճառականներին ու գնորդներին և լուսաբանիչների սեղանները ցրեց ու աղավաղեց վաճառների աթոռները շուտ տվեց:

16 Եվ չէր թողնում, որ որևէ մեկը տաճարի միջով նույնիսկ որևէ ակտի անցկացնի:

17 Եվ ուսուցանում էր նրանց ու ասում. «Գրված է՝ իմ տունը բոլոր ազգերի համար աղոթքի տուն է կոչվելու. իսկ դուք այն դարձրել եք ապականների որջեր»:

18 Քահանայապետներն ու դպիրները լսեցին այս և մի հնար էին փնտրում, թե ինչպես կորստյան մատնեն նրան, բայց վախենում էին նրանից, որովհետև ամբողջ ժողովուրդը պարմացած էր նրա ուսուցման վրա:

19 Երբ երեկո եղավ, քաղաքից դուրս եկան:

Երուսաղեմի տաճարը չէր սահմանափակվում միայն մեկ շենքով: Դա շինությունների մի համալիր էր՝ համախմբված մի ընդարձակ ուղղանկյուն հարթավայրի վրա, կենտրոնական մի սրբարանի շուրջը, որը բաղկացած էր երկու սրահներից: Սրբությունը և Սրբություն Սրբոցը: Սրբարանը սահմանափակված էր գոտիներով, որոնք ցածր խավի մարդկանց արգելում էին ջատ մտնելու նրան: Կենտրոնում քահանաների գավիթն էր, ապա հրեա տղամարդկանց գավիթը, այնուհետև հրեա կանանցը և վերջապես, շուրջբոլորը, հեթանոսներինը:

Ահա այս տարբեր գավիթներում էին վաճառք անում այն մարդիկ, որոնց մասին վկայում է ավետարանը: Դրանք պոհագործման համար նախատեսված կենդանիներ կամ արմտիք վաճառողներ էին և մանավանդ լուսաբանիչներ, որովհետև տաճարում միայն հրեական փող էին ընդունում: Հռոմեական փողը, պիղծ համարվելով, մեծ մասամբ օգտագործվում էր առևտրական գործարքների համար:

Հիսուս նախորդ օրը երեկոյան ուշադրությամբ դիտել էր այդ բարեպաշտիկ գործունեությունը, որով կրանված էին բոլորը: Բայց նա, ավելի քան ուրիշները, չէր կարողանում տանել այդ դրությունը: Բեթանիայում, որը մայրաքաղաքից մի քանի կիլոմետր հեռու էր, մի գիշեր անցկացնելուց հետո, վերադառնալով Երուսաղեմ, նա տաճարի շուրջափակում լցվում է ավետարանում հայտնի ամենասաստիկ պայրույթով:

Նրա այդ արարքը, սակայն, միակը չէ: Այն ունի իր փառավոր նախընթացները: Նրանից առաջ մարգարեները մեկը մյուսի ետևից դեմ էին կանգնել այն բանի, ինչ տեղի էր ունենում տաճարում: Կրոնական

- 24 Դրա համար ստում եմ ձեզ. ամեն ինչ, որ աղոթք անելով խնդրեք, հավատացե՛ք, որ ստացել եք այն, և կտրվի ձեզ:
- 25 Եվ երբ աղոթքի կանգնեք, թե մեկի դեմ մի բան ունեք, ներեցե՛ք, որպեսպի ձեր Հայրն էլ, որ երկնքում է, ների ձեզ ձեր հանցանքները»:

Ահա նորից այն թյեմին, որ Հիսուս անիծել էր նախորդ օրը: Այսուհետև նա այլևս երբեք պտուղ չի տա, քանի որ ամբողջովին չորացել է: Նրա վրա արտասանված մարգարեական խոսքը կատարվեց (տես վերը Մարկ. ԺԱ 12—14): Թյեմուն վերաբերող երկու դրվագները հաղորդակցվում են միմյանց տաճարի դրվագի միջոցով, և ամբողջորդ կապվում է մի տեսակ ներմուծյալ կամ ներփակյալ հորինվածք, որին արդեն հանդիպել ենք Մարկոսի մոտ (տես Մարկ. Գ 1—6):

Ա. Մարգարեական խոսք մի թյեմու մասին (ԺԱ 12—14).

Բ. Անհավատարիմ տաճարը (ԺԱ 15—19).

Ա. Չորացած թյեմին (ԺԱ 20—25).

Երուսաղեմի տաճարի կործանումը մարգարեական ձևով կանխատեսվեց ծառի չորացումով: Ամեն ինչ, որ անպտուղ է, չի կարող անվերջ ապրել որպես մակաբույժ՝ չորացնելով հողը կամ մարդկանց:

Պետրոսը, սակայն, վարմանում է իր խոսքի կարողության միջոցով Հիսուսի ձեռք բերած արդյունքի վրա (համար 21): Այն ժամանակ տեղը իր աշակերտների ուշադրությունը նորից է հրավիրում հավատի պորոթյան վրա, որ արդեն բազմիցս ընդգծված է Մարկոսի ավետարանում: Քանի՜ անգամ նա նույն խոսքը չի ասել այն մարդկանց, որոնք գալիս էին իր մոտ բժշկվելու. «Քո հավատը քեզ փրկեց» (տես Մարկ. Ե 34 կամ Ժ 52): «Ամեն ինչ հնարավոր է նրա համար, ով հավատում է» (Մարկ. Թ 23):

Ապա հետևում է մի փոքրիկ ճառ, որ ավետարանիչը շարադրում է՝ օգտագործելով ճարմանդ-բառերի կամ կեն-բառերի տեխնիկան. Հիսուսի կողմից գործածված առանձին նախադասություններ դրված են մեկը մյուսի

ետևից շնորհիվ այն բառերի, որոնք ընդհանուր են այդ նախադասությունների համար (տես Մարկ. Թ 38—42): Նախ շոշափվում է հավատի թեման (հունարենում «հավատ» և «հավատալ» բառերը նույն արմատից են).

—«Աստուծո հանդեպ հավատ ունեցե՛ք» (համար 22).

—«Իր սրտում չկասկածի, այլ հավատա՛» (համար 23).

—«Հավատացե՛ք, որ ստացել եք այն» (համար 24):

Այսուհետև գալիս է աղոթքի թեման.

—«Ամեն ինչ, որ աղոթք անելով խնդրե՛ք...» (համար 24).

—«Եվ երբ աղոթքի կանգնե՛ք...» (համար 25):

Այս նախադասություններից շատերը հանրահայտ են: Մասնավորապես շատ է հիշվում «լեռներ տեղափոխող հավատին» վերաբերող նախադասությունը (համար 23), որը առածի կարգ է անցել: Պատկերացնենք Հիսուսին այդ նախադասությունն ասելիս՝ կանգնած Չիթենյաց լեռան վառիթափերից մեկի կամ տաճարի բլրի վրա, որ երևում է դիմացը, հովտի վերևում: Մեռյալ ծովի վիթխարի ջրափոսը շատ մոտ է: Եթե Հիսուս աներ այն, ինչի մասին խոսում է, ինչպիսի՜ հոյակապ տակնուվրայություն կլիներ...

Հավատի պորոթյունն անսահման է, սակայն ինչ աստիճանի պետք է դարձի գալ՝ հասնելու համար իսկապես հզոր հավատի: Մարդ պետք է գիտակցությունն ունենա այն ամենի, ինչ արդեն ստացել է, որպեսպի դարձյալ ստանա (համար 24): Պետք է ոչ մի քինախնդրություն չունենա իր եղբայրների հանդեպ, որպեսպի ճշմարիտ հաղորդակցության մեջ լինի Աստուծո հետ (համար 25):

Նման պահանջներ գնում-միանում են «Հայր մեր»-ի պահանջներին, որ Մարկոսը գրի չի առել: Այդ պահանջները ցույց են տալիս աշակերտներին, թե այսուհետև ինչպես պետք է աղոթել, քանի որ ավանդական «աղոթքի տունը» Երուսաղեմի տաճարո, պիտի անհետանա ըստ այն մարգարեական կանխատեսության, որը տեղի ունեցավ անպտուղ մի թյեմու մահով:

(Շարունակելի)